

बालाजी को सुमिरन कर ले | By Mukesh Bagda |

बालाजी को सुमिरन कर ले,
तो काम थारो हो जासी,
भक्ति को जोर लगा ले रे,
वरना पाछे पछतासी,
बालाजी को सुमिरण कर ले,
तो काम थारो हो जासी।

तू तो मस्ती में खोयो रे,
तू तो जी भर के सोयो रे,
थारो काम नहीं होयो रे,
पक्को जोर तू नाही लगायो,
भक्ति को तू जोर लगा ले,
थोड़ी मजबूती तो ल्या रे,
नहीं तो यमड़ो जूता मारे,
वो तो पुछेलो के ल्यायो,
कर ले तू बाला से यारी,
थारी टल जासी रे फांसी,
थारी टल जासी रे फांसी,
बालाजी को सुमिरण कर ले,
तो काम थारो हो जासी।

के है बेटो के है नारी,
के कर लेसी रिश्तेदारी,
झूठी दुनियादारी सारी,
भाया कोई नहीं है थारो,
थारी कोठ्या महल अटारी,
रह जासी रे अटै ही सारी,
कर ले आगे की तैयारी,
तेने ले जासी बिणजारो,
बस नाम सहारो ही सांचो,
परलोक में काम वो आसी,
परलोक में काम वो आसी,
बालाजी को सुमिरण कर ले,
तो काम थारो हो जासी।

बालाजी को सुमिरण कर ले,
तो काम थारो हो जासी,
भक्ति को जोर लगा ले रे,
वरना पाछे पछतासी,
बालाजी को सुमिरण कर ले,
तो काम थारो हो जासी